



韓江雅集卷十一


展上巳集環溪草堂流觴燕會

胡期恒

暮春天氣好風煙山水清音勝管弦雅集已過修禊日
佳辰絕似永和年林亭屈曲添三徑花竹高低映一川
俯檻臨流任歌嘯百觚分送酒如泉

程夢星

蜀岡西畔絕囂塵獨闢幽居少四隣自有清溪真得地
不妨重襖又經旬亭堪避日休安障杯解隨流故近人
漫道永和追往事詠歌留作十分春



馬曰瑄

撰辰直溯永和上襖飲重教展一旬南澗東堂添故事
踈花鬢篠媚餘春波心漱灑杯浮檻詩思纏綿月滿身
我亦年來紆鬱甚清流聊爾照烏巾

汪玉樞

暮春三月十三日元已風流忽挽回流水繞溪杯再泛
落英滿徑客重来已遲內史經旬襖却乏叅軍一旬才
觴詠不須今昔感茂林修竹共徘徊

張世進

繁花能笑鳥能歌臨水風流效永和襖事已驚旬日過

春光還剩一分多客憑矮石如憑几杯信微風不信波
絕勝無聊柳州飲佳晨莫惜醉顏酡

方士虔

被襖行過十日期追歡仍在水之湄花酣濃露歌雕檻
酒泛微風繞曲池老去燕遊甘落後靜中歡賞未嫌遲
十三况較初三好素魄將盈此一時

馬曰璐

懷抱今朝得好開陸家池上拍浮來同修故事重三展
得近名流竟日陪魚藻情閑溫坐石楊花風急換行盃
淮南節物駸々去隣寺昏鐘莫漫催

陳章

十畝芳園一水周
漪裙重與狎沙鷗
永和却為開成改
童子還隨冠者遊
風帽參差依柳坐
羽觴宛轉逐花流
莫嗟萬事蹉跎過
禊飲猶能兩度修

閔華

高會園林值此辰
環溪新漲綠鱗鱗
重修禊事仍三月
老去春光只一旬
飲帶落花浮玉斝
坐臨流水列華茵
若依觴詠蘭亭例
却少羊何罰酒人

洪振珂

重修上巳集環溪
蝶舞鶯忙十日遲
芳草香中鋪坐席

綠楊風裏送流卮
未甘閑過花飛日
猶及歡追被禊時
絕勝蘭亭煙景好
晚來明月稱吟思

陸鍾輝

新蓋香茆占水南
流杯也作展重三
綠蘋池上安吟榻
紅藥闌邊駐客驂
好借良辰修故事
何須典午學清談
誰人肯向環溪宿
燈影沈沈月影涵

張四科

為憐佳節暗相催
禊事重修到水隈
蘭上偏逢唐日會
竹間初報洛花開
蘋香和酒風吹過
荷蒂牽觴手引來
我似羊劉詩思澁
又拚沉醉棹船回

鮑辛甫還自京師小集漁川齋中

王藻

謁帝承明後雙旌溯浙中去當寒食火歸及棟花風今
雨題襟始香鮐下箸同公南吾欲北時余將入都鴻跡兩匆
匆

鮑鈇

久客盼歸路停舟訪素心坐中皆舊雨檐外滿新陰未
便褰裳去同為擊鉢吟白頭江海吏也許附題襟

陳章

日望朝天客重逢即別筵愛遺鐙脚郡先生官歷浙西三郡情繫

渡頭船煙月邀新句風塵濯大川未能隨竹馬飄泊定
相憐

張四科

數面欣投契彌欽淹雅才蓬蒿邀命駕煙月照傳杯新
集朝天續孤帆向夕開浙西遺愛在爭喜使君回

四月十一日集漁川齋中時久旱小雨

厲鷄

宿麥行將槁經春望未寧灑塵初有意潤物莫教停奔
走煩三事蒼茫乞百靈西窓今夜燭萬一得同聽

王藻

首夏坐清晝鈎簾對雨飛聲初來渴樹涼已入生衣未
必魚苗長差添梅子肥宵分思破由不憚踏泥歸

陳章

望雨占朝暮雲陰江上城坐聞高樹響吟對小堂清行
道聊蠲暘扶犁未慰情何當吹海立快意四簷傾

閔華

二月至四月東南雨澤慳天心雖未測農事却相關疎
點下空際好聲來樹間此時驚喜甚滿耳待潺湲

分詠端午節物

程夢星得蟾墨

誰捕妖蟊窟難容避水漬不教吞月魄却許飫煙雲書
呪堪驅瘡塗形可駭蟲莫辭辛苦意嗜腹滿清芬

馬曰琯得釵符

窓曉蘭膏膩釵符綵線成榴花綻紅玉竹葉翦香莖百
鍊照纔罷五兵逢不驚武林傳舊事雲髻愛縱橫

厲鶚得艾人

五日冰臺采為人楚俗遺分形資藥圃辟惡上門楣映
髮嗟非壯垂腰笈已遲不須尋本草眠食祝相宜

方士庶得繭虎

雪色小於菟釵梁勢負嵎穿針疑飲羽添線欲編鬚未

韓江雅集卷十一
五
得辭纏縛何曾利走趨婦功初獻處威攝百邪無
方士處得五時花

點綴天中節軍持挿紫頭高花似旌節小草亦忘憂長
養時方盛參差態轉幽更添好顏色昨夜折紅榴

馬曰璐得九子粽

江南兒女節包黍亦成行雁門問慶纍纍几案香青
菰傳奕葉綵線佩諸郎樂府歌詞舊還勞玉手將

陳章得長命縷

五采色相宣千絲寓祝延紛縈金釧重交映雪羅鮮風
土傳周處情懷記小憐將迎日長至永以致纏絲

姚去鈺得蒲劍

宛是匣中劍依然石上蒲親身無玉具彼澤有洪鑪兩
刃何曾試千金豈所須終南前進士佩此百靈趨

閔華得小龍船

小樣學龍舫提携繫綵條縱令具鱗鬣終是失波濤競
渡時方盛攤錢價轉高老夫欣節物一笑付兒曹

陸鍾輝得畫鍾馗

誰將鍾進士尺幅寫朱兒飯鬼疑唐事傳芭學楚詞薰
風入袍笏古色見鬚眉修祀隨遺俗爐香供午時

張四科得雄黃酒

辟惡尊開處晶熒一七加芳辛和昌歎激灩吸流霞色
藉千鍾艷功參五石誇殘膏乞兒女分與頰邊搽

五日席間詠嘉靖雕漆盤聯句監形如荷葉中刻龍舟芙蓉藻水禽之屬底有金字云大明嘉靖年製

有明迨中葉馬曰制器率由舊麗盤出摩挲汪玉髹漆

工刻鏤式自果園遺屬法匪楊淮授三料脆松黏馬曰

一盛卷荷皺堆灰屢磨刮陳章設色雜紛糅中央赤龍船

姚鱗甲動陰罽水殿撥露梳張四疑習昆明門旁繞

紅荷湖瑄曰毛羽啞羣囁風蒲舞芸苗玉宛向太液覲光

潤本欲測鶚堅緻却無厚憶昔世廟年瑄曰正屆重五晝

盧橘上林珍章香菰御廚侑排當走黃門鈺羅列承翠

袖掌異銅仙擎科四詞傳玉蛾奏戲金款猶新瑄曰剔紅器

逾壽賞心良朋合樞樓指佳節又清尊助酣嬉鶚草具

亦釘餽象牙未云奢瑄曰蚌殼無乃陋竒技古所非章善

價今方售底須弔湘纍鈺故物感詞囿科四

集榮木軒觀趙承旨畫番馬圖聯句

溽暑如蒸炊張世月令當房馬尺幅展虛堂陳萬里見

朔野顧此渥洼姿鈺姚世審是魏公寫傳神形權竒閔落

筆勢豁聞飄蕭風髮披張四慘淡汗血灑連錢散滿身

進世踢雪沒半蹠低頭受羈絡章逸足反跨跨天廐羣早

空世龍種世本寡一匹意已足華千金價誰捨奚官磔

髯鬚科四胡服飾帶鈐凌兢面色鰲世蒙茸裘緣赭豐貂

護耳垂章短策畏袖把冰堅長城窟世草白陰山下衝

寒欲何之華適遠任牽者遭逢哀王孫科四劫運屋宇社

豪素託深情世鈐印記大雅畫殺事或真章形化語豈

假伯時其庶乎世聖子非敵也拂拭搯玉义華賞翫行

翠竿移曝向西廊科四凍雨忽鳴瓦世

展重五集小玲瓏山館分賦鍾馗畫并序

歲丁卯五月十五日馬君半查招同人為展重午

之會于小玲瓏山館維時梅候未除綠陰滿庭徧

懸舊人鍾馗畫于壁鍾馗之說不一如宗懔母妹

之名于勁之字皆在南北朝而今人則傳終南進

士事又古者歲除畫鍾馗辟邪故張說有謝賜歷

日鍾馗表而今人則用於五月五日是日適為夏

至陰陽交爭防諸沴戾禳而卻之亦荆楚歲時所

不廢也遂人占一畫各就畫中物色賦七言古詩

一篇錢唐厲鶚為之序

胡期恒得聽琴圖

松風蕭々月澹黃幽人不寐絃弦張深山賞音不可得

臯禽林鵲爭回翔五鬼相將來月下衣裳五色紛縹緗

袖扶手挽側耳聽心領意會神飛揚一鬼墮井行欲出
一鬼提挈殊倉皇其餘三鬼不相顧撫松傍砌鬚眉蒼
吁嗟雅音久廢棄箏琶盈耳聲洋洋俗人未必重古調
反令異類偷宮商或云五人非鬼魅終南進士傳初唐
明皇晝寢夢中見鬼弄玉笛欺寧王藍袍角帶靴短靴
扶鬼二目啖其腸明皇驚問汝何職鍾馗姓字形昂藏
武德屢舉不得第觸階而死情可傷明皇夢中錫冠帶
許爾劔佩趨明光醒勅道子圖形像頒賜三府名逾彰
至今北門管鎖鑰民間多繪像貼後門神荼鬱壘官同堂今觀此
畫良有意化一為五皆冠裳毋乃鍾期亦不遇欲求亦

外搜渺茫多益善五音備一夔未足儀鸞凰詩人百
怪入肺腑携掛素壁傾蒲觴

程夢星得嫁妹圖

終南進士身昂藏青袍烏帽紅錦襠腰懸犀劔秋水光
手持象笏如奉璋獨跨蹇驢行控韉控麾妖妹爭趨踰
高燒列炬生冥芒若有鬼物百兩將小妹于歸甲乙良
星眸閃々修眉長煙鬟雲髻明月璫薜荔為衣芙蓉裳
結束彷彿猶唐妝自擁帷車御七香侍婢提携脂粉箱
絳綃纏背騎鹿輦頭挿丹榴魚艾菖九子魔母挽其旁
暴辛之損女媧簧間以河鼓聲鏗々宛似鵲駕來銀潢

左擎尊竿右牽羊蹇修者誰蘧蓀娘赤鯉蒼雁羅兩行
親迎者誰白石郎老尪顧盼神飛揚肩聳目突髭髯張
風馳電掣凌虛翔天上朱陳應有鄉女家男室何匆忙
吁嗟人間昏嫁空擔擲向平之願焉能償

馬曰瑄得踏雪圖

黑雲垂々天漠々滕六翻空氣蕭索巖壑慘澹森寒光
九首山人鬚戟張不著巾袍鞞短勒蠻褐遮身歆席帽
跨驢橋滑不肖前大鬼捩韁小鬼鞭山魃野魅那及避
倒縛肩挑佐晚醉枯林一帶鳴荒臯從此百怪不敢號
人謂山人負竒氣生前骯髒死猶厲又謂山人志騷屑

不踏輦紅踏殘雪我張此圖五月中但愛幽澗鳴迴風
畫師有意與無意道眼看来等游戲一庭冰雪淨吾胸
子虛烏有亡是公

汪玉樞得策蹇圖

春風幾日來天涯老尪策蹇沿江沙帽簷斜壓湘梅花
一領緋袍橫屬鹿手控絲韁矐兩目角帶犀垂大腰腹
畫師畫此何蕭閑踏雪只在終南山馬蹄得意任人間

厲鶚得出獵圖

老尪駿騎風蕭々一陰生後為夏苗嘯梁之類聚若齒
屬目用命無敢踟後勁鬣鬣各有執繩床背負携罌瓢

我冠挾簿似從事數獲且待盛諸簪前驅何所見醜怪
兼跳踔或對持赤梃肅若官趨朝或牽黃臂蒼或鳴鉦
吹簌或建中軍鼓淵々振雲霄或樹大將旗獵々吹招
搖元豹或鎖掣豪豬或叉撩此皆偶中耳老馮沉機密
算慘不驕半塗忽出遭迹席相顧動色馳羣駭蹶張在
地弩交設投石向空距獨超椿喉戈鋸間大斧欲除丑
害驅佞妖天寶年間李楊輩翼而冠者如麤貓老馮胡
不殫其黨忍使三郎遠幸萬里橋今來畫裏展重五徒
然策勲酌爾桂與枌

張世進得觀傀儡圖

老馮瑁操不得志時將傀儡觀人事閑中役鬼效為之
壯心聊寄逢場戲郭郎鮑老各言工都入挪揄冷眼中
妝就衣冠無不似竊來嘖笑搃相同綠袍烏帽旁觀久
手拂虬髯開笑口暫藏秋水三尺鋒且醉春風一杯酒
歌板喧闐響易沉區々科第莫關心開元天子郎當日
也有牽絲刻木吟

方士庶得元夕出遊圖

星橋盡啓懸蟾輪初祠太乙五夜春落第老馮志莫伸
瑁操秉燭遊紅塵天衢白日羞逡巡偷遊不許吹青燐
金蓮寶炬燦若銀曲江宴罷非我倫交光下照袍笏中

幾多辛苦將誰陳
深宮睡美夢敢頻
貌寢徒觸天子嗔
迴燈歸去行旻之
夜何其兮還飲醇
馗乎馗乎天欲晨

方士處得戲嬰圖

中山進士懶驅祟
懷抱嬰兒事遊戲
鞞足眇目貌猙獰
得毋使兒生怖悸
英雄亦復戀閨闈
旁列錦墩彼姝侍
裁量長短綠綈袍
魑魅跽擎針線筭
圖畫屏几何密清
一鬼聳身據平地
老馗箕踞作胡床
不敢酸嘶撐兩臂
妍媸好醜太不倫
近婦信陵堪自比
進士聞出天寶年
當日朝綱多倒置
楊氏諸姨車門風
洗兒錢自天家賜
袞職有闕誰補之
聊以縫裳寄吾意
畫師那得知許事

繪圖聊紀天中瑞

馬曰璐得秤鬼圖

肥鬼胥臍中作鮓
瘦鬼伶俜無一把
潛行聿役等飄風
何用星之較量者
世間萬事誰持平
輕者反重之者輕
任渠伎倆各逞弄
分際難以逃權衡
終南進士吸鬼血
肉可啖兮眼可抉
擇肥莫道柄操吾
並恐權衡被渠竊

陳章得夜遊圖

中山老髯知有無
往之畫史傳其圖
此幅出遊更慘淡
深林月黑天模糊
徒御導從十九鬼
跳踉睽眴爭分趨
一鬼鳴金開道路
四鬼執斧戈鋌及
一鬼拔山若毛羽

一鬼轉石如轆轤中有兩鬼徒手搏努目奮臂筋纏麤
肩沐持蓋相耳語嘍々不了歌頭顱騎牛小妹色韶麗
鬚鬆蟬鬢飄袿襦牽者鞭者各有態獨一負戴偏勤劬
老髯跨馿々耳卓醉倒亦有左右扶策後三鬼奔欲及
捉鼓吹笛拍板俱此種情狀何處得毋乃筆墨游戲乎
似憐此髯抱忠憤琅玕欲剖徒區々十上空悲監古榜
強死未登龍尾衢藍袍白簡身後賜故作吐氣虹霓如
簪花且當聞喜宴夜行衣錦聊歡娛書生豈勝百夫長
拍揮羣醜橫湛盧卷圖不覺一大噱中山老髯知有無
閔華得執笏圖

虬髯蝟磔緣兩輔雙目眈眈背偃僂綠袍烏帽尚唐裝
執笏居然如拜舞老馮老馮真鬼雄昔曾見夢開元中
不能治人能治鬼帝曰手版錫汝躬區々魚須象齒固
足貴非徒恣爾食鬼貪饕由我聞在人不在笏物自因
人成得失君不見宰相極諫魏元成又不見太尉擊賊
段秀實或者挽船惜民力庶令此笏生顏色幽冥雖殊
用則一馮也慎毋忝厥職老蓮作此非荒唐六法直逼
驃騎張紉々纍毅那足做只畫終南進士垂紳裳

陸鍾輝得品茶圖

老馮胷中多磊砢縱酒澆愁渴吞海松風活火石鼎生

魚眼蟹眼貫珠琲空山老樹聲颼颼葵榴交映午景幽
七椀蕩滌宿醒醒蚪髯蕭颯精神道此時林殫當歛迹
切勿跳踉聲啾々

張四科得觀緣竿圖

唧嘈石壁流水漸終南進士頽而髯廣場坐看險竿戲
伎倆狡獪誰憎嫌一鬼偃卧翹一足長竿植立如膠黏
骨騰肉飛一鬼健夤緣詎比上竹鮎全身橫陳兩手擎
颼輪旋轉衣綈々青冥攀附窺烏蟾欲墮弗懼厥體殲
其下二鬼悉仰面短笛不鳴鼓不歎一鬼旁觀怖欲死
雙目睽矐舌澹研意匠經營極慘淡陰風吹日摧西崦

嗟汝老尪實鬼伯變幻萬態眼底兼耽玩此技有深意
要看醜類臨危陷嗚呼百尺竿頭那易轉進步一寸分
仙凡

喜雨用建除體

胡期恒

建瓴高屋雨如注除煩滌暑消沉痾滿天昏黑生雲霧
平地波濤俄布濩定知年歲獲豐裕執鎌磨鋸修農具
破屋泥塗苦草樹危々高廩堆村路成功似是神之助
收藏百穀飢無慮開懷歡樂朝復暮閉門擊壤歌韶護

程夢星

建未之月壬申日除却炎熇雨師疾滿盈雷震聲突忽
平注田塍流活之定知天意驅妖魃執犁扶耜樂生活
破旱甘霖勢莫遏危極復安氣轉勃成功者退景之出
收穫倉箱堪預必開尊且喜釀新醪閉門醉卧西堂月

馬曰瑄

建壇合樂千人看除地震位疑仙官滿願立欲挽早乾
平明灑之仍漫之定風旗幟龍蛇蟠執事童男星斗攢
破空一尺神明歡危哉農師今始安成功夫豈憑黃冠
收書捲幔怯微寒開懷點滴槐花繁閉門努力還加餐

屬鴉

建幡青衣柳枝擘除祛妖媛四眼赤滿空風雲併水滴
平地雨深可盈尺定飛南箕東井檄執符者誰玉京客
破壞五塘少遺蹟危哉立苗困龜坼成功不尸向虛碧
收雷淵默百嬌寐開顏江淮農笑啞閉門角韻飲歡伯

張世進

建瓴之水屋上無除壇掃地修夏雩滿田龜兆禾欲枯
平湖漸涸成沮洳定然天意憐農夫執熱待濯難徐之
破山疾雷與雨俱危者忽持顛者扶成泥不惜行人濡
收穫可望大有書開尊飲罷眠紗幘閉目殘滴聞疎之

方士虔

建業水自邦溝回除却五塘無一杯滿天赤日燒煤炙
平疇焦卷愁根芽定方士祭巍其臺執券而取風雲雷
破空白雨潤九垓危接四望銀竹排成熟有期不告灾
收納溝澮聲潛々開襟招涼詩客偕閉闕頌酒樂事該

馬曰璐

建月維未愁驕陽除庭早魃眠食妨滿空雲滂傾天漿
平地忽深一尺強定力所禱倍往常執在煩歌倉箱
破券買得盆荷香危闌劇賞殊相羊成秋先於焦穀芒
收穫已在硯席旁開卷與誰論短長閉戶且圖今夕涼

陳章

建標燒空十丈霞除地結壇歌吁嗟滿田車響蛻骨蛇
平明雨脚劇亂麻定却衆心如鎮瓜執熱忽爾沉冰窪
破顏一笑農人家危機轉幹生意佳成功喫酒歸藥巴
近延天台道士祈
雨亦聞巽酒作咒收穫庶幾均汙邪開落不問紅藕花
閉門高枕潺湲譁

姚丑鈺

建未之月火傘張除熱惱無梅檀香滿空雲氣俄飛揚
平階忽聽聲淋浪定知天念斯民康執旛道士醮綠章
破山雷起蛟龍翔危免焚巫兼暴狂成憂成喜人欲狂
收未可卜千倉箱開尊且醉今宵涼閉戶底用覓睡方

閔華

建風竿立城西隅除草布地層瓊鋪滿注盃水蒼龍濡
平明鐘鼓道士俱定有法力咒且符執幡童子繚繞呼
破塊要使羣苗蘓危于望撲原燎枯成功頃刻如江湖
收穫自令盈廩儲開懷一飲酒百壺閉糴不憂漁利徒

陸鍾輝

建官閔農惟其常除災攘凶當有方滿塍龜坼愁亢陽
平岡設壇騰綠章定心誠感傾天漿執囊椎鼓風雷將
破窓亂射鳴浪々危簷雪溜生新涼成然而寐夢蝶林
收望西疇兆金穰開倉納秬千斯箱閉目預想喜欲狂

張四科

建旗畫隼馳荒郊除壇請雨白雨澆滿空風雷掃炎熇
平飛銀箭如鳴鶻定知露潤無肥境執耒四野歡聲呶
破曉直注連清宵危坐傾耳金石敲成連海上神蕭寥
收回赤令慘不驕開霽我願遲三朝閉門且歌甘澤謠

雨後兩明軒坐月

程夢星得陽韻

一雨洗空碧開軒納月光微風清酒味濕露挹荷香皎
皎升高樹依々下曲廊深談忘久坐如對早秋涼

馬曰琯得鹽韻

天宇看猶濕洗空明玉蟾暑應無處着清欲與人兼竹
樹幽四壁琴書淨一簾只愁深夜坐照得髻絲添

厲鶚得齊韻

駛雨晚來歇月明秋夜齊涼衝雲葉散濕度水花低坐
愛參差影詩憑蕭爽題主人留客意看轉粉廊西

方士處得庚韻

小軒宜對月况值雨初晴頓覺煙雲淨還欣風露清盆
荷香有韻庭樹寂無聲領畧閑滋味涼蟬時一鳴

馬曰璐得覃韻

華月吐花南朋歡復此耽暗荷殘雨瀉葦竹濕光涵移

席依清景憑虛接夜談無煩白羽扇心冷湛秋潭

陳章得歌韻

月明風雨後高館趣如何暑氣到荷盡清光向酒多鵲
驚頻出樹螢濕自沉莎夢擬江湖去夜涼聞櫂歌

姚士鈺得蒸韻

高館霽華澄羈愁散鬱蒸潤露花下席光掩竹間燈暗
瀉瓊荷露涼分玉井冰故園茲夕隔留滯為良朋

張四科得寒韻

層軒憑夕霽涼氣集林端見月添詩思留人向夜闌高
荷風影仄疏酌酒光寒不惜扶歸晚來宵帳獨看

七夕分賦效唐人試帖體

胡期恒得河邊月桂秋

天上雙星渡人間七夕秋暗香生露葉澹月拂河流銀
漢開雲幙珠簾捲玉鈎鸞車今夕照蟾窟幾時留想像
勞芳夢殷勤話別愁碧虛三萬里博望可同游

程夢星得良宵警曙早

星闕誰相禁牛閨近若招直應嫌漏促豈復慮河遙離
思常千古歡情併一宵兔飛將入地鵲噪欲停橋不惜
雲機冷何心綵線邀曉珠明可定莫遣赤丸跳

馬曰琯得花入曝衣樓

簾幙當空挂迎涼月一鉤綺羅風淅々環珮夜悠々衣
桁饒香氣花枝媚早秋蓮塘星影曙蘭畹露華浮無語
頻修髻含情不下樓天人欣共接河漢在東頭

汪玉樞得巧遺世間人

問巧從何得雲間暗授人蛛絲盛盒小鵲駕渡河新天
上幽思迥閨中屬望頻七襄成最密五色繡來勻霑巧
偏多慧祈求定有神針樓明日裏笑語動比隣

厲鶚得徐轉斗為車

靈媛車將駕還乘斗宿為璇匡秋自運珠柄夜潛移閣
道橫西足河梁指北維星璫鳴軋々雲袂動遲々沆瀣

應濡軌迴環莫後期李義山詩夜聞渚邊相近處更與
借參旗

張世進得雲閣掩羅帷

祕閣香雲結輕帷薄霧施空來年已判掩處夜何其欲
訴別離恨翻疑兒女私情堅憑月鑿會短畏風披徃夕
遙相望今宵儼在斯纔能合雙筴乞巧可曾知

方士虔得夕衣清露濕

暑退衣初爽涼生露乍清鸞軫乘晚出鵲駕促宵征楚
楚霞裳潤熒熒月帳明忽疑千縷濕漫說五銖輕會合
寧多畏露濡窠有情翻愁分手處襟上涕縱橫

馬曰璐得玉庭開粉席

玉露下中庭蘭筵粉澤馨由來勤供設不自惜娉婷暗
裏移妝匣風前展畫屏砌涼疑積素河近欲通靈蠲潔
奔輶集芬霏倦軫停年々雜瓜果餘巧乞雙星

陳章得針歌疑月暗

兩頭簷際月九孔指尖針織未拈難定澄明訝易陰非
關寒奪目端為巧經心顯晦翻成錯歌斜遂不任靈芸
神枉擅弄后照徒臨還待穿雙縷香閨笑語深

姚姪鈺得龍梭靜夜機

天女原名織何曾離錦機七襄心慣苦一夕手停揮玉

漏聲方徹金梭響乍希蘇家寧共下陶壁忽同飛歡會
亦云暫辛勤終不違冥之經緯思乞得更依稀

張四科得河曠鵲停飛

斜漢空遙望驚鳥去未寧飛之辭北渚耿之挂東溟有
影随分散無梁更渺冥鳴秋歸萬樹帶曉隔雙星鬣羽
明朝見流雲此夜停重来渡靈匹逝水一年經

平山堂秋望

程夢星

秋至山堂靜憑高遠俗氛午餘閑覓句意外得諸君荷
芟空寒水松杉半夕曛欲知無隱義滿院木犀聞

馬曰瑄

前賢遺躅地風韻至今留剩有寒泉冽空餘梧葉秋江
澄三面繞山遠一樓收冉之斜陽下鐘魚起客愁

厲鶚

何限憑闌意披襟已颯然天清隋苑樹秋蕩海門煙旅
望無千里留題有卅年離心逐涼葉并墮遠峯前

張世進

郭外西風健相將策瘦筇一堂收野色雙眼破塵封霜
宇碧欲盡秋山青幾重憑闌正吟眺野日漸高春

馬曰璐

迥與常時別登臨有此朝堂高隨境古山遠挾秋驕到
眼空雲物吟詩入沈寥無煩唱楊柳梧葉暮蕭々

陳章

堂開集秋氣鳥下見平原雲薄橫崑軸山青澹海門鐘
鳴人自竄木落鳥隨翻欲慰蕭條目偏令憶故園

閔華

秋色澹無際空堂坐落暉望中江岫遠吟次野蓮稀烟
暝沉孤磬松涼上袂衣暮鴉飛繞寺不見舊僧歸

陸鍾輝

共有登臨興虛堂靜倚闌山秋青覺近雲晚淡將殘塔

影浮林小松風出谷寒西冷有歸客又復悵清歡樊榭將歸

武林

張四科

不到斯堂久高秋望眼降氣澄青澹岫煙遠白浮江清
晝人三五西風屐一雙斜陽戀臨眺隣寺夕鐘撞

九月十五日集行菴招大恒具如兩師茶話

程夢星

常從方外覓佳朋同學偏欣遇秀能大抵浮生皆過客
由來吟社有詩僧三年夢杳非虛幻半日談空亦上乘
安得龍泓分數滴夜瓶泉味冷於冰兩師皆自武林來

馬曰瑄

徑轉廊迂鴨脚黃未能拋得且閑忙題詩昨日又今日
說偈松房更竹房靈運淵明原並世天親無着本同鄉
聲聞不醉空諸有一任秋林下夕陽

汪玉樞

秋容老處華門開携得風爐與茗杯雨後菊殘羣彥集
庭前木落兩僧來袈裟尚帶孤山翠拄杖閑撐下院苔
禪味詩情今得共一番清話喜追隨

張世進

閑館秋深落葉鋪籬邊殘菊未全無挈來酒伴兼詩侶

添得琴聰與蜜殊轉笑攢眉投白社好聽交口說西湖
一九涼月新晴後更擬清宵煮竹爐

馬曰璐

重陽節過逢新霽秋老林扉景色閑未掃苔階留落葉
偶聞僧語認深山夕陽舊殿雙金錫古寺黃花一病顏
今日相携同把臂不知身立落塵寰

陳章

一片歸雲一住雲西風吹落在人羣伊蒲飯共菴中喫
艾納香依樹下焚未脫塵埃叅水月尚從文字覓知聞
瘦權癩可多奇句且為諸公張一軍

閔華

西風黃葉影蕭々古寺頻過不憚遙詩社有僧殊有韻
禪門無侶亦無聊數聲鴻雁吟邊過一篆梅檀飯後消
記取殘秋逢此會茶煙半榻坐踈寮

洪振珂

淨洗秋容澹碧天茶風晴裊竹闌煙香苑有約黃花後
開士同過老樹前閑罷繙經吟入妙靜思擊鉢話通禪
新來塵事渾拋却惟愛月明孤磬邊

釋明中

香茅一把屋三椽彈指聲中憶舊緣隔院疎林猶着雨

到門修竹欲遮天風光恰稱重來衲詩案仍叅未了禪
如此佳辰莫辜負不妨遲上渡江船

送陸茶塢歸里

程夢星

久客忽言別脉々感離憂一枝聊止宿三月成淹留鬢
絲禪榻畔墜葉風颭々憶君水木園明瑟當清秋故人
昔携手繫艇楓橋頭廿載不可作黃壚渺山邱謂徐激
齋同年
人生易聚散搏沙安能收今日送君去野水盈邦溝征
鴻向天際落日隨孤舟極目江上帆懷人生暮愁

邵泰

風靜秋江白露晞行菴良會別依之我驚征雁猶羈客
君訂輕鷗早息機澗上草荒無桂隱徐侯齋先生澗上草堂地近明瑟園
惟林明瑟齋名菊老遲人歸雪泥宥獨多留滯計日城南訪
故扉

馬曰瑄

客裏又秋深蕭蕭葉滿林慚予為地主致子動歸心幾
日情懷惡一江風露侵銷愁惟仗酒到不堪斟

陸錫疇

藥爐圭匕旅中緣露冷蛩吟劇可憐自我淹留散桂放
多君慰藉苦霖天移來茶竈分松火借得琴書破午眠

不道此身猶作客昨宵聞雁轉凄然
偶話尊鱸憶故山病餘心怯度江關身如紫燕忘秋社
眼見黃花插髻斑阜茨林邊吟袂過茱萸灣口暮潮還
多情賸有衰楊柳為我牽絲不忍攀

馬曰瑄

君來蟬未鳴君去雁南征遠色催行李高帆挂別情江
南霜落潮痕減古寺鐘昏木葉驚西風颯送君行送
君行飲君酒兩地相思期不負何日偏提重在手吳宮
花隋苑柳

陳章

平生落拓天隨子別去兩年無一字相思常繞伯通橋
相逢又在司空寺日垂頭作酒龍高蟬啼歇換哀蛩
諷經閣下眠秋雨煮藥爐邊聽晚鐘客中好客真豪邁
所為却受傍人怪惟我能知豁達胸閑愁每被君陶汰
西風送上渡江槎三百里山青到家應知帆落籬門外
笑見園丁掃桂花

閔華

蕭蕭葉落古寺啣蛩吟暮秋蓮花涇邊詞客茱萸灣
口歸舟僧窓正憐病起酒殘同生別愁惆悵片帆人去
牽雲曳雪難留

韓江雅集卷十一終

二六

【

韓江雅集卷十二

京口金焦二山為天下絕景金山去瓜洲咫尺南
北帆檣所經焦山相去稍遠岩亭幽曷孤峙盪漚
巨浪間遊人跡罕至東坡云同遊盡返決獨往賦
命窮薄輕江潭自非耽竒好事者未易津逮也予
平生三遊皆馬君嶰谷半查為之主一在庚戌冬
一在丁巳夏今年戊辰冬仲之望復因江月發興
同遊者凡九人往返兩宿南莊留山中凡三日夜
人各賦詩七首聯句一首次第為一集屬予序之
以見茲遊之不易而江山倡酬之為可樂云樊榭

老民屬鷄

霍家橋道中

馬曰琯

車鳴十五里南郭且閑尋冷翠風前亂古香雲外侵人
因吟秀句天為寫寒林更待來朝雪平田一尺深

屬鷄

問訊城東路還同輞口尋江天遠不極雲日淡相侵牛
嬾仍眠壑鴉寒後出林重來水竹地情話愜幽深

杭世駿

安穩籃輿上城東路易尋斷崖低樹亞荒徑伏流侵曙

色分茅屋寒煙散竹林南莊招隱處知是閉門深

方士處

江天宜遠望出郭遂幽尋路滑霜初霽蔬香雪未侵危
橋橫斷浦矮屋露疎林記取頻遊處門前流水深

馬曰琯

客有探幽興村田一徑尋招邀農事暇珍重歲寒侵木
落見遙水梅香拍舊林却看籬落近微詠夜燈深

陳章

平野霜花白南莊復此尋山光車上見寒色帽簷侵潮
落薔薇港風生松竹林入門雞叫午臍膊短籬深

閔華

十里肩輿路南莊喜重尋霜空寒日上沙岸早潮侵舊
識村三戶遙看竹一林寥寥人外境已似入山深

陸鍾輝

江村梅有信趁暖喜追尋沙軟小車疾草枯黃犢侵斷
橋橫野水微日淡荒林我是曾來客廊腰記淺深

樓錡

東臯開別墅今喜得幽尋沙漲寒流縮山橫曉色侵入
家遙翳竹野寺半依林十里江村路清遊興轉深

冬夜宿南莊

馬曰瑄

空江欲雪雲冥冥天低月暗吟寒廳獨雁時聞四窓白
雙眼乍合孤燈青敗蘆葦篠環沙尾幾樹橫斜映清泚
未春先已發幽香歲晚籬邊見冰蕊城南小築掩柴荆
裊々茶煙客思清夜犬無聲人語寂枯棋坐隱已三更
短童首觸屏風卧檐外一聲鷺雀墮蕭騷水閣紙衾單
有夢不愁花底沈

厲鶚

平生苦愛竹與梅西溪有約鉏蒼苔我行北地少二友
衣塵滿罷空歸來歸來仍向韓江寓出郭雲陰風色暮

招要帚屐南莊遊舊是梅多竹深處疎林四面開草堂
卜夜更卜子夜長竹搖萬个酒燈綠梅放數枝詩硯香
彷彿西溪十八里月痕浮動追春始江雨無端竹裏鳴
不教梅影橫窓紙

杭世駿

澄江日落潮初生茅堂會宿夜氣清羣峯遠向天際沒
一鳥不來竹裏鳴江梅有意娛遠客幾朵疎花寫幽格
雲頑不放月娥窺特遣燒燈照瑤席之間難辨花微茫
紙屏影卧橫枝長冰肌恐受一塵污飛雨來灑風前香
香細風清吹不斷醉脫貂裘招酒伴巡檐嗅蕊漫商量

邀勒冰霜與春換

方士處

茅堂小築清江曲四面疎林間修竹深冬氣暖如春溫
襖被相期此間宿打魚沽酒招吟朋昏黃待月張華燈
小梅檻外香初動柔艣溪頭水未冰寒夜沉々過夜半
人影花枝互凌亂歡情且喜共蕭閑世網從教絕羈絆
老夫子月度荒村擧枝嗅蕊清心魂明朝更鼓遊山興
拾級攀蘿望海門

馬曰璐

梅花一枝橫碧沼似為荒村破枯槁詩人衫袖有春風

淡月窺人況林表林鋪丁字聯清冬四圍水木霏微中
地白時看雁影過窓虛更覺江天空獨我吟聲何太苦
月色花光互吞吐詩成遙答遠山鐘夜靜不傳街市鼓
人生會合安可常趁取酒熟清而香明朝更放煙江棹
水宿雲眠枯木堂

陳章

草堂幽絕江之濱夜氣不寒如淺春相期會宿乃勝舉
尊前八九皆詩人平生有味是清苦坐對吟燈近窓戶
未圓朧月抹輕雲初放疎梅濕微雨東頭竹篠無塵埃
抱被曾為桃花開重到只消羊胛熟歌眠易感雁聲哀

飄然夢落焦山頂擊櫂深村復驚醒不妨吹作雪冥濛
待曉乘潮放孤艇

閔華

玉妃闕雪停寒空林間梅蕊偷春工疎花惺忪過微雨
冷挂半破新磨銅人來月下傾醺醑索取巡檐看不足
會宿無分上下林吟詩只在東西屋憶同遊日近清明
倏忽還同變雨晴祇將樹底雙鳩喚換得風前一雁聲
吾徒歲月毋虛擲風流豈頓殊今昔憑誰畫作輞川莊
我亦圖中一裴迪

陸鍾輝

枯林飽霜葉盡落凍日籠雲之影薄天教冰蕊早吹香
已放南枝慰蕭索我來尋香興欲飛開尊花下情依之
客酬主勸樂莫樂月升日沒歸不歸坐隱敲枰爭負勝
選韻拈毫分競病竹裏青燈水外鐘人語不聞雞犬靜
生平花月性所耽豈宵嬾坐如眠蠶參橫夢醒又清曉
他年像想成佳談

樓鈞

蒼茫遠送冥色來主人留宿沽村酌更長燭短興不淺
檐外玉梅花半開向夜氣暄雲忽黯昏黃淡月吐復掩
雁落沙汀一兩聲雨吹烟樹四三點此時心跡已雙清

題詩更喜追羣英却笑當年王給事輞川倡和惟裴生
酒闌對榻蟬聯語幽歡直欲忘冬序高枕翻憐近渚清
與鷗同夢為鷗侶

焦山觀音巖晚望用宋人趙冰壺韻

馬曰琯

水色嵐光萬古存我來剛是洗霾昏咸池接日東南圻
雲夢連江八九吞風裏迴翔天外鷗佛前吟嘯樹頭猿
長空一望襟懷豁喚取山杯捧竹根

厲鶚

手剔磨厓舊跡存江風為掃凍雲昏山當落日如爭渡

帆向遙天欲倒吞絕頂僧棲同怖鷓空廬人去有驚猿
廿年三到緣非淺好掬清波洗眼根

時予方病目

杭世駿

山腰麻歷一菴存傳是坡仙跡未昏返照炯如留客看
崩崖峭不受潮吞盪空鷗認斜行雁穿徑僧疑倒飲猿
坐久天風更飄忽欲同瘦策卧雲根

方士虔

佳處留題片石存深冬一豁倦眸昏孤帆極浦時明滅
落日洪波互併吞下見疎林拳凍雀恍聞斷壑叫哀猿
茅菴小結知何日擬向空山斲鈍根

馬曰璐

雲磴依稀屐齒存茅亭登歷海光昏音兼吳楚人重到
氣壓曹劉句早吞萬里奔流浮落日十年清景問棲猿
江山佳處歸長望嘯倚天風坐石根

陳章

老樹寒無片葉存空亭坐斷未黃昏金篩日脚凍雲裂
雪走濤頭暮靄吞清迴心魂悲嘯鷓衰遲筋力羨騰猿
漁舟三五已棲泊風笛一聲崖石根

閔華

捫讀水壺句尚存虛亭人坐水雲昏沙頭一雁叢蘆沒

江上千峯落日吞掃葉深林逢白足扶藤危磴引青猿
茫目送東流去終古潺湲漱石根

陸鍾輝

小白花疑此地存寒風吹斷水煙昏驚鴻影冷隨帆遠
落照光搖共酒吞仄徑幽深堪結屋高巖空翠欲藏猿
殘碑有句埋苔蘚幾徧摩挲坐樹根

樓綺

隱士蝸廬跡尚存竭來山徑未全昏風濤洶湧聲相軋
吳楚蒼茫勢欲吞鳥下片帆輕似鳥手中短策健于猿
高懷誰復同坡老擬結茅菴淨六根

焦山看月以江流有聲斷岸千尺山高月小水

落石出分韻

馬曰瑄得月字

十年不到浮玉山夢裏時々幽興發琴聲憶著冷侵肌
詩思尋來清入骨天公從古妬佳遊未必重登還見月
今朝賈勇挂帆過正值晴冬寒不冽夜深雲淨五三星
浪湧潮翻逼銀闕望處澄江徹底明吟成遠岫排空沒
黃蘆苦竹舞平沙驚起香林定巢鷗同行有客氣豪
把酒披裘坐巖窟廣寒八萬四千戶要與江山助奇突
人生此境豈常遭拾得莫教隨手撇經窓且復嗅梅花

海風吹我蕭々髮

屬鷄得聲字

焦山寺裏鐘始鳴焦山寺前江月生此時月上潮復上
風水相薄為奇聲餘音瑟瑟獵枯荻磔然飛起棲禽驚
長波萬里入杳靄中流一道馳空明數星莫辨北固火
幾點不送南徐更羣峯隔岸悄如睡何事賈舶貪宵行
吳頭楚尾兼越角我輩聚如九子萍同遊者珉石興來
吊鶴瘞瓊田望去呼龍耕坐久起踏松影碎滿地窻窻
霜花橫琉璃宮殿水精域佛界盡在寒而清良朋偉觀
那易得天教今夕二者并高吟坡公赤壁句一尊酌月

還同傾

杭世駿得落字

平生眼界超塵縛欲向江天寫寥廓纖阿期我招提游
放出寒光踐宿約已驚晃朗辨諸峯漸喜蒼茫認煙郭
濕銀灑々和江流清境搖溶兩難攫九霄澄彩助清悽
萬里分濤恣展拓須臾噫氣號陰壑棲鷗驚飛觸檐鐸
大聲忽起接潮頭猛力時來打山脚蘆人縮頸不敢窺
帆葉誰能更輕掠振衣起躡山徑高光動空林葉零落
悄然靜聽魚龍吟呼酒時同石闌酌

方士處得尤字

浮玉山中三日留，霜辰氣候如清秋。時冬已仲月，始望
盈之素魄，俄當頭。支筇拾級石上坐，笑招吟侶，延緇流。
奔濤入耳，勢澎湃，寒風拂面，聲颼颼。南徐北固咫尺近，
金山錢甕，煙雲浮憶昔，兵戈此重鎮。中分上下，如咽喉。
寄奴人豪，竟何在，新王功業，將何求。空餘明月入遙望，
往事欲問，惟江鷗。今夕且酌曲阿酒，莫因感慨，妨清遊。

馬曰璐得高字

蒼巖與我稱素交，乘冬問訊浮輕舸。探竒未暇坐甫定，
仰見皓魄東南高。初圓未減月幾望，不同弦影含弓敲。
銀盤初挾晚潮上，玉玦漸度林風颺。此時目力到煙海，

微茫一片連洪濤。況當嚴辰斗插子，寒空氣翳無纖毫。
人影在山月在水，風霜披拂惟吾曹。魚龍鼎沸棲鶻叫，
應是水怪山精逃。廣寒之府不虛誕，雲中定有仙人遨。
始知天公昨調弄，晶瑩欲騁光先韜。出門一笑大江湧，
作詩紀事欣吾遭。

陳章得石字

龍宮幽黯松陰夕，月吐寒雲松轉碧。出門滿眼大江橫，
人影林之沙渌白。被酒狂呼興頗豪，凌風我欲生雙翮。
滉漾山根若動搖，只疑踏著金鼇脊。清吟有句仙可到，
竒境得人天不惜。殘蘆映壁響蕭蕭，鷺鳥帶波鳴格々。

宵深猶見走帆檣應羨吾儕更閑適舊遊踪跡尚可尋
歲序回頭浪崩迫已未四月曾遊今十年矣明朝蘸筆欲題名為喚
僧雛掃巖石

閔華得小字

山風送月并林表雲淨江寒絕飛鳥乍起乍滅漁燈明
或往或來帆葉小海門一派白漫漫京口諸峯青杳杳
夜分天地轉空明如此江山入吟眺十年夢寐落巖阿
塵事苦多遊跡少今來正值冬久晴重向磯頭酌清醪
天公還我白玉盤照徹長江波浩渺須臾陡作風怒號
高浪排垠欲傾倒攪動魚龍不肖眠我歸一覺僧房曉

陸鍾輝得千字

天公助我遊山緣深冬風日何晴妍招要朋舊發清興
渡江穩坐紅板船昔登雙峯豁倦目恍如夢斷空茫然
今來初地借禪榻昏黃待月山門前蛟龍正蟄藏水底
鷹鷂未宿盤松顛少馬一片玉輪出漸見萬丈金精懸
江光月色兩不定鎔銀蕩漾波痕圓山僧笑我戀清景
畏寒高聳雙吟肩同來主客皆好事展紙和墨歌長篇
不羨白兔搗靈藥詎求紫府昇飛仙但願此月復此客
良辰合并常周旋人生行樂亦偶耳買酒何惜斗十千
樓錡得水字

平生夢想焦山寺客權經過不曾弭今日扶筇絕頂來
一丸海月騰空起瑤宮玉宇豁層雲倒瑩江流數千里
人生快意安可期好景當前豈徒爾有酒須傾一百杯
狂歌大笑蒼崖裏夜久空林風怒號拍岸驚濤駭吾耳
瀾鈎直欲走魚龍杳眇翻疑泣山鬼北固南徐盡渺漫
尚有孤帆去如駛縱步閑尋枯木堂滿地清光瀉鉛水
登雙峯閣以清磬度山翠閒雲來竹房分韻

馬曰瑄得清字

黃緣躋傑閣未上心轉驚不知俯瀕洞直擬凌空明飛
鳥在其下白雲隨我行遙天望不極滿耳風濤聲沉滯

豁焉散襟抱為之清欲下還徒倚勝境能移情

厲鶚得翠字

香閣如危巢細路盤折至頗覺筋力衰不辨舊題字爐
煙浮江光帆影移竹翠此間坐永日自爾絕人事將為
禽尚游未免周何累歸歟復徘徊短策耐寒吹

杭世駿得山字

凌虛結遐覽一菴翠微間石磴穿鳥道瘦策同躋攀了
了修眉蜷遂見江南山喧濤島下過白雲窓中還清景
迫短晷後遊恐緣慳霜鐘發深省鐫銘留屣顏

方士處得房字

尋幽陟峯頂上有青豆房虛窓納遙景正在江中央高
空偃古栢仄徑羅修篁四顧波汨沒一瞬雲飛揚置身
半天際况欲凌風翔何當了塵事稅駕山水鄉

馬曰璐得來字

高窓出林表扳蘿窮崔嵬衰齡失遠步曠歲欣朋來幽
遐靈跡闕晃朗香臺開依然昔遊處宛似清夢回捐情
白雲內流矚寒濤堆遙峯各相屬欲下仍徘徊

陳章得竹字

飛閣冠山榭僧語墮空谷登臨翼瘦筇蔽翳入寒竹霜
晴午氣暄遙峯肆流矚雲日弄江光搖溶隔疎木棲林

意多悵理棹情未足風濤百里間三過尚可卜

閔華得雲字

雙峯杳何許遙望生網緼措筇造絕頂菴在山中分一
崦野梅發數椽清磬聞導我憩茵閣江水方斜曛高寒
有鳥跡幽篁無人羣天風忽吹來爐煙化為雲

陸鍾輝得度字

精廬石徑幽翠竹疎籬護小閣啟雙扉長江莽橫素星
星金山鐘隱隱海門樹天際來孤帆飛蕩若野鷺忽見
片雲飛寒影波間度自笑桑下留又得三宿住

樓綺得磬字

絕頂構飛甍遠攬大江勝振策同攀躋放眼發高興海
上羣峯趨中流寒日瑩俯覺四天空時見一帆正冷翠
濕衣裾策竹翳苔徑紆回捫煙蘿香之落山磬

寒夜石壁菴聯句

為愛焦山好清冬況得朋馬曰來因海月滿宿憶翠微

曾屬梵室鄰峯勢經樓避石稜方士閑携塵外拂吟借

佛前燈馬曰風動飄金磬天高淡玉繩杭世松濤時警

鶴芋火漫隨僧陳章梅氣巔芬馥江聲聽渤澥閔華靜恭禪

一味冷泥酒三升陸鍾夢擬靈祠乞銘從古鼎徵樓帶

圍思楚玉像繡展吳綾僧曰寺有楊文襄公玉帶已為
僧付質庫宋繡佛尚存

舊事添圖牒奇懷入寢興鶚鼉更蓮漏續龍藏竹錐騰

處篆印銷婆律沐敷暖毳毼路曰空談對劉勰名理叩張

憑世覆局棋收電停毫硯結冰章森之寒氣冽晶之夜

光澄華興劇渾無寐神淒忍不勝鍾明朝放歸棹游思

尚飛騰鈞

歸宿南莊二絕

馬曰

乘潮又放南莊棹恰似春風二月初籬外疎梅之外竹

併教寒月浸塔除

全憑沙鳥作詩媒更藉寒花佐酒杯何事幽人耽寂寞

未曾十日兩回來

屬鵝

江山奇絕足盤桓
歸向梅花說夜寒
一片水精菴外月
隨人小倚曲闌干
多少長安車馬塵
故園空鎖一園春
板橋修竹風燈裏
始覺林亭有主人

杭世駿

江風一路洗車塵
凍鳥窺枝解喚人
同到竹籬呼月出
月輪新較寺門新
風燈依舊颭迴廊
竹外微之弄暗香
我共梅花清不寐

冷吟閑嗅到昏黃

方士處

雙峯縹緲翠微間
三日閑遊一棹還
喜有寒梅疎月在
不教清景讓焦山
柴門乍啓人重到
短句聯吟興轉增
永夜霜風渾不覺
小橋斜界半池冰

馬曰璐

梅花閑與月明分
鶴柵鷗巢共一羣
點起吟燈清不寐
江山回首足寒雲
圓蟾倒浸水精宮
三宿回船趁便風
歸到柴門翻悵望

不曾吹笛浪花中

陳章

竹搖風葉欹斜影梅放霜枝一兩花
窓裏踈燈窓外月絕無人語響煎茶
迴船又向草堂眠面々踈籬護冷煙
幽夢更誰拘束得江聲月色寺門前

閔華

板橋初上晚潮痕帶月人歸竹裏門
更為梅花留一宿好將清夢落江村
小池凍合白琉璃寫影寒林宿鳥枝
清境一時消受得

分燈水閣夜吟詩

陸鍾輝

小別梅花三日期重過添放向南枝
最憐水竹紆迴處漠々煙消月舉時
幽窓短榻淨無埃菊枕支頭紙帳開
清夢冷吟冰雪白昨宵浮玉月中來

樓錡

日落遊人江上歸園丁掃徑犬銜衣
梅梢冷挂江天月一夜清輝浸竹扉
暫向園亭寄此心夜闌燈火隔林深
却憐主客同幽興

樓下敲棋樓上吟

題趙子固畫蘭

馬曰琯

古春盎々蕙蘭猗々石含清潤林覽餘滋王孫之筆天
水之遺故宮芳草涼葉空披晞髮濡墨露泣風吹有懷
鬱陶高歌楚辭何來九畹剩有一枝淹留歲暮于焉賦
詩

汪玉樞

香生剡紙如谷絕深依以綺石蕙齋幽心冬晴窓外時
來寒禽入室相對宜調素琴筆古墨淡歲月侵尋水霜

代謝天水銷沉守貞抱獨聊寄清襟即茲尺幅當為世
琛

厲鶚

弁山之下幽人之居窈然空林有香猗如芳草無言春
風太初懿彼蕙齋妙墨相於其葉則勁其花則踈芝連
秀質石抱中虛同心伊誰曰所南歟鄭國服兮楚臣佩
諸

杭世駿

空谷苔青秋巖雲霽故國王孫廣陳流滯楚畹情遙湘
靈望翳言寫猗蘭宣豪當涕秀葉晨披幽馨遠曳林靜

無人韻流空際芝菌同榮貞萋永閉畫譜遺民所南一例

方士虔

有王者香叢生巖窟香生婀娜幽馨秘醇天水王孫筆
意超忽繪此猗蘭刺畫豪髮葉用雙鈎花同沒骨其畫
斯存其人已歿緬昔滄桑高節突兀寄興孤芳以送歲
月

馬曰璐

有宋王孫深林獨處清映一門韻標千古托意幽蘭春
風自主簡葉踈花停辛竹苦天涯芳草淪于下土衆人

之中君子是伍我展斯圖如睹眉宇楮墨無痕芳馨不
譜

陳章

彞齋清節惟蘭之似楚騷滿胷春風在指淡墨有痕三
花兩蕊苔石玲瓏露葉旖旎靈芝輪囷無根相倚不着
棘叢知心所鄙展玩寒窓如覲音旨歷年半千餘芳溢
紙

姚世鈺

猗々幽蘭生彼空谷伊誰寫真遺此尺幅有宋王孫國
香芬馥當門可鋤媚人羞服楚畹在胸離騷滿目分身

入畫清露如沐靈芝曄煌奇石蹙縮千載高風下山之
麓

閔華

吳興王孫幽蘭之馨寄情繪素寫茲數筵琅芽淡之玉
戟青之宛紉楚佩似鼓湘靈有芝輪困有石瓏玲天寒
日暮見此娉婷冥之空谷蓀之荒汀願寶是幅不啻蘭
亭

陸鍾輝

深林空谷遠避塵囂睠焉芳馨甘彼寂寥彞齋高士家
隱清若縈情故國寄興離騷寫此數莖猗之靈苗花踈

葉商畫在人遙水仙同逸江梅共超張之素壁以永今
朝

張四科

渺兮空山叢蘭獨茂氣淡以幽花踈且瘦拳石標奇華
芝競秀相與結隣匪云邂逅猗歟王孫藝祖之後奕葉
凋零永懷維舊佩以斯紉言如其臭久矣國香傳之文
圃

冬日集延清齋分詠

馬曰琯得蘆管筆

鏤玉鐫冰麗且堅未如蘆管與冬便拈來暖可書飛白

試罷輕宜賦草玄作畫圓沙鴻雁各鈔詩淺水釣師眠
茗溪奪得宣城樣編就劉家筆記傳

劉昌詩有蘆浦筆記

汪玉樞得雪帽

青氈裁帽大如箕也許吟肩野客披頂上偶黏江雪片
簷邊好插嶺梅枝蹇驢北郭尋詩日瘦策東林問酒時
一樣風流入圖畫唐人重戴舊相宜

張世進得絲鞵

冬後青鞵冷欲冰吳絲着意疊層層不須熅火爐頭踞
頻覺竒溫足下增雪裏真堪傲東郭織時何必倩於陵
寒來大有傷心者遍上春臺恐未能

厲鶚得炙硯爐

一夜陶泓有凍泉故教移置煖爐邊清霜古怨辭宮瓦
茅屋春風夢石田勛策華林非躍冶句回枯木不離禪
先生笑寫寒齋譜休比矮桑磨欲穿

杭世駿得火箱

一箱熅火楸而修巧匠規形四角周持較地爐便徙置
評量炕寢欠溫柔高眠不待黃綢設穩坐疑驂赤馬遊
向晚床帷嫌道冷阿侯嬌放在橫頭

方士庶得檀簾

吾家故物一青氈獵獵嚴飈藉作簾但使濃香留永日

寧愁密雪上重檐寒憐蘇子吞何苦貧為江郎割已廉
我戀梅花頻索笑風廊一日幾回掀

方士虔得花窖

霜寒木落正嚴晨紅紫寧辭愛護辛氣轉陽和歸大地
煖迴益益報先春唐花只近溫泉種南卉編教土室親
不比天山三丈雪圍香遮玉待詩人

馬曰璐得衣箒

疎密斜文製作良吟衫常為出空箱曾因梅潤旋添火
直到天寒更炷香淺纈覆將便體弱退紅倚處記宵長
年來冷置維摩室千眼同看是法王

陳章得瓶膽

良工煎錫形如瓠琳札中池有舊稱清苦只宜梅數點
團圞恰受水三升座安小几常依硯簾護空房不怯水
宵與瓶甕分楚越相看真是歲寒朋

姚世鈺得煖椀

古鼎徒誇五熟名何如巧匠鑄金成厨中不藉煎烹力
座上休嫌水火爭鷓鴣炭燒頻置腹薩波壑凍助調羹
少陵旅食酸辛日免使殘杯冷炙并

閔華得香箸

廬州中正得兼材隻手曾資夾輔來纔揭金猊添活火

又翻銀葉撥寒灰畫時疑有香生字借處能令燭剪煤
一炷龍涎初熟候小瓶雙挿莫分開

洪振珂得手爐

玲瓏小蓋篆回波貯火中間煖氣多携得一函消冷淡
捧來雙袖變春和圍棋落處休頻縮拈筆書時那用呵
不向豪門爭炙手歲寒相與共摩挲

陸鍾輝得紙屏

玲瓏格子剡藤裁特為寒天屈曲開遮戶看書當日坐
障風移榻待賓來但妨倦僕更闌觸不畫痴蠅墨點猜
窠好昏黃清意味自携燈影照疎梅

張四科得蘆花褥

西風吹老荻花乾裝作重茵小榻安漫比倦來憐草軟
免教客至笑檀寒坐疑溘浦雲生席采及梁山雪滿灘
輕暖却宜吟閣用一方綦子製成難

韓江雅集卷十二

詩二

五七

韓江雅集十二卷終

